



In dumenia ai 26 de Setëmber él gnü sughé la quarta partida dl campionat 2010/2011 de 3° categoria por La Val. La partida é gnüda sugada te cíasa cuntra le Gossensass (scuadra che é indô gnüda metüda sô in chësc ann, nōia) La partida è jüda fora 2 a 1 por La Val. Sciöche i agn passá á mustré, se fesc la squadra da La Val tres plü ert cuntra le stletes squadre.

Ince te chësta partida é La Val che se á indô stenté da fá goi y ince le jüch ne é nia sté bel. Da mëter man la partida é Sottara Freddy y Alton Alex (capitano) che pro da porté súa squadra in vantaje, cun trëi tiri da lunc, mo düc i tiri rōia sura porta fora.

Chi da Gossensass se stlüsc scialdi zoruch por porvé da jí spo a fa goal de contropiede. Do da 20 min é impó la squadra da La Val buna da se porté in vantje cun Rubatscher Florian. Na bela combinaziun cun Daniel Frenes y Verginer Franz porta Florian dasú dan le portier, che é spo bun cun en tiro angolé sôn le prüm paolo da fa goal. Denant che le prüm tēmp se rōia é La Val che ti scinca ciamó le pareggio a Gossensass. En gran fal dla difesa ti scinca la pala al atacant, che prolunghëia a so cumpagn de squadra che fesc insciö le 1 a 1. Le prüm tēmp se rōia. Tl secundo tēmp é La Val che aumentëia le druch, mo le Gossensass se stlüsc düť zoruch sciöche tl prüm tēmp. Mo al 75° ti é impó ciamó bun Rubatscher Romeo da fá le 2 a 1 por La Val, sôn en bel cross de Frenes Daniel. Elzenbaumer Alex á ciamó na gran poscibilité da stlū jō la partida, mo la pala che al spizurëia dan la riga de porta, rōia sôn la traversa. La partida se rōia sôn le 2 a 1 por La Val. Cun i 3 punć davagná in dumënia se porta La Val al 5. post te tlassifica.

La formaziun titolara dla partida:



In cürt ciamó les sostituziuns dla partida:
al 60 Elzenbaumer Alex por Verginer Franzi
al 70° Nagler Max por Sottara Freddy
al 75° Tolpeit Daniel por Frenes Daniel
al 80° Kaneider Denis por Sottara Stefan

Por ciaré ala tlassifica y i resultač dles artres partidas clicca. [Resultač y tlassifica](#)

Por íaré ales foto dla partida y dla festa dedô clicca. [FOTO](#)